
UNOCA ta presenta e obra comico-dramatico “E viahe misterioso di Jean”

DEN e produccion teatral aki cu ta skirbi y dirigi pa mr. dr. Ben Heinze, varios personahe cu ta hopi conoci den nos mundo cultural ta actua manera NUNCA VISTO.

Entre otro, Tica Giel como Ceciliah, un ser spiritual, Tony Green un personahe rnahestuoso di otro mundo. Jossy Brokke como un docter mundialmente famoso biahando mundo rond pa opera den diferente hospital, semper acompaña pa su dos asistentenan elegante.

Asina tin mas personahe y grupo conoci cu poco, si no nunca, a demostra nan capacidad artistico den forma di un drama teatral manera esaki.

‘E Viahe Misterioso di Jean’ cu ta un obra teatral, ta na prome lugar un drama, pero cu hopi elemento di musica y alegria. E ta un storia di un hoben cu ta biba cu su mama. Ora den un sueño e ta experiencia un acto musical e ta sinti su mes inspira pa toca piano.

Su mainta e ta celebra su haciemento di aña cu un sorpresa di su mama cu a invita un brass-band pa bin toca na su cas. Pero e musicantenan no ta normal! Despues di a goza di nan presencia y musica, Jean a haya bishita di su amiganan cu ta traha un fiesta completo cerca dje.

Ora Jean ta bira seriamente malo y mester drenta hospital, un docter famoso ta purba di scapa su bida.

Su mama tur desespera ta sclama pa un ayudo

Un ser spiritual ta ricibi su alma y ta bai cune riba un viahe. Pero eynan ta topa cu peligernan mahos.

Cu un forza grandi nan por logra e biahe cu exito, pero no sin mas.

Presentacion ta na Cas di Cultura, diasabra 6 di mart, 8’or di anochi y diadomingo 7 di mart, 5’or di atardi. Carchi ta obtenibel na porta.